

Аллоҳ лаънатлаган иллат



Аллоҳ лаънатлаган иллат

Мадинабону Ҳолиғигитова Ўлмасбой қизи

13:28 / 19.01.2023 1437

Бизни иймон нури билан ризқлантирган Аллоҳ таолога Ўзининг жалолига муносиб хамду санолар бўлсин! Роббимиздан гўзал хулқ ва одобларни қабул қилган, умматларга йўлчи чироқ бўлган ҳабибимиз Муҳаммад Мустафо соллаллоҳу алайҳи васалламга мукаммал ва битмас салавоту саломлар бўлсин.

Аллоҳ таоло ўзининг охирги дини Исломни мукаммал қилиб яратгани ва қиёматга қадар бандаларга дин қилгани бизнинг икки дунё саодатимиздир. Ўзи яратган маҳлуқотлар ичра инсон зотини азиз ва мукаррам қилди. Уни дин билан эъзозлади.

Аллоҳ таоло Бақара сурасининг 30-оятида шундай марҳамат қиласи:

«Эсла, вақтики Роббинг фаришталарга: «Албатта, мен ер юзида ҳалифа қилувчиман», деди.

Бундан кўринадики, бизни шундай мақомга муносиб кўриб яна бир бор муҳтарам қилди. Шундай экан, инсон ҳалифалик мақомига мос гўзал хулқли ва соғ фитратини сақламоғи, илмини зиёда қилиб оширмоғи даркордир. Ҳеч кимга сир эмаски, оммавий маданият ёки баъзи бузук қарашлар таъсири остида бир жинсли никоҳ каби разиллик, нобакорлик каби иллатлар ҳам шаклланмоқда. Инсонийлик, жонзорлик табиатига зид келадиган бу қора иллат боши берк бўлган бу охир замоннинг энг бузук

иши бўлди.

Қуръони Каримда 27 маротаба исмлари зикр этилган Лут алайҳисалом пайғамбар бўлиб юборилган Самуд қавми Урдум дарёси яқинида ҳозирги Ўлик денгизи ўрнида Иордания худудида истиқомат қилишган. Табиати бузилиб, туғёнга кетган бу қавм ўзларидан олдинги ҳеч бир инсон қилмаган разолатни бажарди. Баччабозлик билан шуғулланишди.

Аллоҳ таоло ўзининг сўнги китобида Шуаро сураси 165-оятида:

«Оlamлар ичида эркакларга борасизми?», деб хитоб қиласди ва суранинг давоми 166-оятида:

**«Роббингиз сиз учун яратган жуфти ҳалолларингизни қўйиб -а? Йўқ.
Сиз хаддан ошган қавмсиз»** деб айтди.

Мана Яратувчи зот ўзи бу иллатнинг ёмонлигини билдириди. Бу вақтлари Самуд қавми очиқчасига бузуқчилик қиласиган ҳолга келишганди. Улар набийсининг сўзларини инкор қилиб, барча пайғамбарларни ёлғончига чиқаришди. Набийси ва икки қизининг поклиги учун ҳайдаб чиқармоқликни қасд қиласди холатга келдилар.

Ва хақ таоло Шуаро сурасининг 170-оятида Лут алайҳиссалом ва унинг ахлига омонлик берганини баён этди.

Шу суранинг 172-оятида:

«Сўнгра қолганларини ер билан яксон қилдик» деб айтади.

Бундан кўринадики, фисқу-фужурга тўла бу иллат эгалари қилмишларига яраша жазоландилар ва остини устидан, устини остида қилинди. Ҳеч бир замон ва давр ёки бирор гуноҳ вақтлар ўтиб айб саналмай қолса?

Аллоҳ инсон зотини эркак ва аёл жинсли қилиб яратди. Уларнинг ҳар бирига хос ва мос тана аъзоларини берди, уларнинг наслини икки вакилнинг бирлашмоғи натижасида давом эттириди. Аллоҳ таоло инсон наслини ҳалол ва пок йўл билан насл қолдиришини ирода этиб, улар ўртасида никоҳланишни шарт қилди. Никоҳнинг баракоти илиа уларнинг қалбларига сакинат, оромни берди. Қалб ва кўзларнинг зиносидан тўсилишига ёрдам берди. Уларнинг бир бирига динда елкадош, савоб-у салавотда бахслашадиган этди. Шундай экан, инсон зоти туғилибдик, хоҳ яҳудий хоҳ насаро оиласида дунёга келсин у соғ исломий фитратда бўлади. Лекин ташқи таъсир натижасида унга заар етказилади. Бундай

бузук таъсирлар исканжасида қолмаслик учун ҳар бир мўмин ва мўминалар диннинг моҳияти, сийрат ва ақида, фиқҳ бобларида фарзи айн бўлган билимларни эгалламоғи шартдир. Ҳар бир мусулмон оиласида силсила, дин арконлари ўрганилар экан, гўзал хулқли бўлиб боради. Унинг фитрати соф ҳолатда қолади.

Абу Дардо розияллоҳу анхудан ривоят қилинади:

Набий соллалоҳу алайҳи васаллам: «Қиёмат куни мўминнинг мезонида гўзал хулқдан кўра оғирроқ нарса бўлмас» деб хитоб қилдилар.

Термизий ривоят қилган.

Ха, албатта, биз мусулмон уммати оламнинг яралиши сабаби, гўзал ҳусну хулқ эгаси бўлган Набий соллалоҳу алайҳи васалламдан ҳар жабҳада ўрнак олмоғи даркордир. Келинг, биз мусулмонлар ўзимизни, бир-биримизни тақво, тавозе, гўзал хулқ сари етаклайлик.

Шайх Муҳаммад Ғаззолийнинг айтганларидек: «Бекорчилик бағрида мингларча разолат туғулади».

Мадинабону Ҳолийигитова Ўлмасбой қизи